

DEO AUXILIANTE  
DISPUTATIO PHYSICA

De

S T E L L I S

*Quam*

Ex consensu Amplissimæ Facultatis Philosophicæ  
In Regiâ Universitate Aboënsi

SUB PRÆSIDIO

*Clarissimi atq; Excellentissimi Viri*

**DN. M. GEORGII C. ALANI**  
Phys. & Botan. Prof. Pub. & p. t. Acad. Rectoris Ma-  
gnifici, Præceptoris, Fautoris ac Promotoris sui  
reverenter colendi.

*Placido Philosophantium examini  
exhibet*

**BARTHOLLUS J. LACMANNUS**  
*Viborgo-Carelius.*

Die 22. Martij Anni 1648,

1648(0)550



A B O Æ

---

Excudebat Petrus WALD/ Acad. Typogr. Anno 1648.

Admodum Reverendo ac Praeclarissimo viro & in  
Christo Patri,

D N . M . P E T R O B J B S G E /  
Divinâ providentiâ Episcopo VViburgensi me-  
ritissimo, exoptatissimo.

Reverendo item ac Praeclarissimo Dn. Patri,  
Dn. M. MATTHIÆ IACOBÆO  
Civitatis VViburgensis Pastori dignissimo, Lecto-  
ri S. Theol. Primario & Archipræposito  
Laudatissimo.

Nec non...

Reverendus & Clarissimus Viru,

D O M I N I S M A G I S T R I S ,  
Regij Gymnaſij VViburgensis Lectoribus soler-  
tissimis, commendatissimis.  
His magnis Mecenatibus ac Patronis; His Promotoribus & Futoribus,  
omni reverentie cultu prosequendis

SALUTEM ET FELICITATEM

O bservantie meæ affectum, quo tuam admodum Reverendam dignitatem Vestrasq;  
Reverendas Claritates semper prosequatus sum, brevium hanc pagellarum ob-  
latione declarare volui, vili sane munere, si ex pagellarum columnis, non vero ex  
offerentis animo estimatur. Quod si tamen hoc, quicquid est, munusculi, benigno  
Supercilio respicere non detrectatis, erit prater adeptum voti fastigium, mihi in calcar ul-  
terius in hoc circulo plenioribus passibus currendi. Ceterum animi promptitudinem  
qua Tuam adm. Rev. Dign. Vestrasq; Rev. Clari, ut hasteny ita etia in subsequentis tem-  
poris cursu colere paratus sum, vix profusa oratione nedium brevi verborum compen-  
dio explicabo. Si vero me dignum indicabitis, quem favoris vestri favorio complecti  
perseveratis, parem officiorum & obseruantie promptitudinem comprobare non desi-  
stam.

Dum mihi vita manet, dum spiritus hos regit Artus.

A.R.D.tis U. q. R.Cl.tum

Citens

Bartholomus Lacmannus.

PRÆAMBULUM.

Quocunq; oculorum aciem in hac pulcherrimâ mun-  
dani systematis fabricâ deflectimus, sive admiran-  
dam cœli machinam stellis, velut regium palatium au-  
ro gemmisq; micantem intueri lubet, sive terrarum  
faciem vario amoenitatis flore politam spectare velis,  
ubiq; velut in imenso sapientie divinæ speculo, ingenti  
admirationis voluptate afficimur. Inde mirabili  
cujusdam inclinationis impetu in rerum universarum  
naturæ contemplationem rapimur. Sed cœli astro-  
rumq; nobilitas nos præcipue ad sui considerationem  
nativo venustatis sue decore invitat. Hinc Ovid.  
lib. 1. Metamorph.

Pronaq; cum spectent animalia cætera terram,  
Ille Deus rerum mundi & melioris origo,  
Os homini sublime dedit cœlumq; tueri  
Jussit, & erectos ad sydera tollere vultus.  
Nos igitur ex reliquo rerum naturalium ambitu, Stel-  
larum velut elegantissimorum cœli florum, ac venusté  
ardentium aetheris lampadum contemplationem, in  
præsentis temporis articulo, hujus disputationis scru-  
tinio ventilandam, ob liberalem ingenij cultum, præ-  
ligimus.

SECTIO PRIMA

De

STELLIS IN GENERE

THEISIS I.

**V**ocabulum *Stellæ* ut paucis excutiatur, operæ pretium est, ut commodius ad ipsius rei perceptio-  
nem veniatur, veritatisq; sciatilla faciliori labo-  
re elidatur. Id verò ut fiat, *Etymologiam, Synonymiam*  
*& Homonymiam stellarum* indagabimus.

**II.** Stellas à *stillando* vel *scintillando*, quod astra per  
luminis crispationem quasi stillare vel scintillare vide-  
antur, nomen suum fortitas esse quidam augurantur.  
Nonnulli à Græca voce *stella*, quod luce suâ radient,  
deducunt. Et hac *Etymologia* ratio est.

**III.** *Synonyma stellarum* sunt: *Astra*, *Sidera*, *Signa*;  
quæ tamen duæ postremæ appellationes certarum stel-  
larum asterismos seu constellationes plerunq; designat.

**IV.** Juxta *Homonymiam* vocatur *stella*: 1. Genus  
quoddam pisces, quod effigiem stellæ repræsentat.  
*Plin.lib.9.cap.60.* 2. Unumquodq; corpus lucidum in  
coelesti expanso lumine perpetuo coruscans. Ethæc  
posterior acceptio ad nostri instituti declarationem  
propriètendit.

**V.** Hisce ita præmissis, *Definitionem ipsam realem* ag-  
gredimur; Quæ quamvis varia à diversis authoribus  
tradatur, nos tamen in præsenti hanc veluti veritati pro-  
xime conformem, arripimus. *Stella est corpus naturale*  
*simplici, lucidum, globosum, per naturam proprians in cælo sens-*

per

*per mobile, ex luce primigenia ad salutem inferiorum à Deo  
quarta die creationis productum.*

VII. *Genus Stellarum non opus est ut operose inqui-  
tatur, cum sint corpora simplicia; Non enim ex diverso-  
rum corporum mistione conflata sunt, cum habeant  
materiam simplicem, lucem nempe primam.*

VIII. *Posterioribus Definitionis verbis præcipuae stel-  
larum affectiones, differentiae locum supplentes, ut & cau-  
sa designantur. De quibus singulis, quantum brevi-  
tatis studium permiserit, in sequentibus quasi in Com-  
pendio tractabimus.*

VIII. *Quamvis autem Aristoteles lib. 2. de cœlo c. i.  
ut totum cœlum, ita etiam ex consequenti omnem  
stellarum exercitum principium & exitum æternitatis  
non habere opinetur; Nostamen veritatis divinæ face  
melius illuminati, causam stellarum efficientem Deum re-  
rum omnium fabricatorem esse, qui quarto creationis  
die dixit ut herent luminaria in firmamento cœli, & fa-  
cta sunt, sine omni dubitationis scrupulo statuimus. Gen.  
1:14, 16.*

IX. *De materiâ stellarum infinitæ propè sunt vete-  
rum opiniones (nisi deliramenta veriori suffragio dice-  
res) dum alij sidera solida terrenaq; ac [ ut Senecæ  
ut a verbis] alienum pascentia ignem crediderunt, ut E-  
picurus & Diogenes; Alij astra ex rubibus ignitis com-  
ponere satagebant, ut Xenophanes: Alij stellas lapides  
accensos, solem etiam candens saxum rati sunt, ut Ana-  
xagoras & Democritus &c. quorū omniū suā vanitate colla-  
bētes nugæ digniori fastidio spernūtur, quam inutili la-  
bore recententur, aut refutantur. Nos vero cum me-  
lliori Physicorum parte materiam illam, quæ in astrorum*

*globos coacta est, hunc primigeniam, primo die creatam  
ognoscimus & asserimus.*

X. Forma stellarum vel substancialis vel accidentalis est. Substantialis astrorum forma in hac vita ignorantiae caligine obnubilata nos latet & abscondita est: Colligimus autem eam esse naturam quandam esse gyrtinum principium & causam affectionum & operationum stellarum, qua motu proprio in aethere moveri, lumen & radios diffundere, calore suo sublunaria vegetare, atque influxus dominio ad varias mutationes inclinare possunt.

XI. Accidentalis forma est ipsa earundem figura, quam globosam & Sphaericam esse certae convincunt mathematicorum demonstrationes. Alias etiam astra, ex diversis terrae partibus sese intuentibus orbiculari facie semper apparuerunt.

XII. Finis stellarum etsi multiplex sit, ad generalem tam & specialem non incommodâ partitione revocari potest. Sic universalis finis ratione, salutem omnium sublunarium astra respiciunt, praesertim nobilissimi illius naturae compendij Hominis, qui tantum propter Deum, sed propter ipsum omnia creata sunt.

XIII. Sub specialem finem cadunt haec sequentia: Nempe 1. ut sint praeter ornatus, quem celo dant, venustratem, in SIGNA 1. Ineffabilis sapientiae creatoris. Quis enim ex illarum composita serie & admirabili ordinis harmonia, aeternae mentis DEI Opt. Max. reconditam & omnem humani captus modum excedentem sapientiam non deprehendit? 2. Serenitatis, tempestatum, siccitudinis, imbrivium, astus, frigoris, ventorum &c. de quibus Astrologi. Ex diverso enim stellarum aspectu, diversus etiam fit influxus in haec sublunaria, qui alias atque alias efficit tempestates, ut variantis anni decursus ad omnem sensum

sum manifestat. *H. a! sint in tempora: diem & noctem*  
distingvant, annum & menses suā revolutione determi-  
nent. Et III. *ut unū versum mundum lucis claritate illu-*  
*mīnent.* Sol diem efficiat, Luna nocturnas caligines  
dispellat.

XIV. Dividuntur autem stellæ: 1. Ratione existen-  
tiæ in usitatas & insusitatas seu novas<sup>2</sup>. Usitatæ 2. Ratio-  
ne motus in fixas & erraticas. Fixæ 3. Ratione quantita-  
tis in primæ, secundæ, tertia, quartæ, quintæ, iextæ ma-  
gnitudinis<sup>3</sup>.

XV. Sed ad affectiones stellarum explicandas thesi-  
um ordo festinabit. Affectiones vero stellarum præ-  
cipuæ sunt: *Quantitas, Lux, Motus, & Influxus.*

XVI. *Quantitas stellarum eximia est.* Astra enim ma-  
gna ex parte Terræ molem multiplici duplicatione au-  
gmentata longè excedunt, quamvis nobis propter nimi-  
am earum distantiam, minutæ admodum, ut penè vi-  
sum fallant, videantur.

XVII. Nobilissima siderum affectio Lux, omnibus etiam  
stellis ut primario suo subjecto inest, ita ut Luna tantum  
excipiatur (quæ debili luce propriâ collustratâ, mutua-  
titij luminis ratione crescendo & decrescendo cornua  
sua variat) reliqua vero sidera de suo luccant. *Scalig.*  
*exerc. 64.* Sed Sol lucis præcipua sedes est, atq; inde mun-  
di oculus dictus<sup>4</sup>.

XVIII. *Est autem Lux qualitas corporis lucidi, quæ &*  
*suum subjectum lucidum reddit, & reliqua corpora illuminat;*  
*per radios vero lumen in omnem ambitum à se diffundit.* Dis-  
serunt itaq; *Lux, Radius & Lumen ut Causa & effectum:*  
*Lux subjecto suo inhæret: Radius à luce in rectum & a-*  
*curum exilit; Lumen autem in latum spargitur.*

XIX. Definitur Radius, quod sit qualitas à luce in re-  
ctum & a curum exilit.

~~lineam~~ lineam producta. Lumen vero qualitas à luce per radios in latum effusa.

XX. Radius vel Rectus seu perpendicularis, vel obliquus seu transversus est. Rectus est q. à luce in objectum corpus rectè descendit. Sic qui solem in perpendiculari coeli fastigio habent perpendicularibus ejusdem radijs illuminantur. Obliquus est, qui à luce in objectum corpus transversim fertur.

XXI. Est præterea Radius vel Fusus vel Fractus vel Refractus. Fusus, qui à luce per medium translucidum in corpus densum vel ratum transit. Ut radij solares per aërem in aquam, vel per vitrum in conclave demissi. Fractus est, qui à luce per medium ratum in corpus opacum incidit ac ex ejus superficie refluit. Qui communis appellatione radius reflexus vocatur. Ut radij Solis qui ex superficie terræ quasi in seipso reflectuntur. Refractus est, qui ex superficie terræ repercutitus, ob occursum densi medijs in ratus profluit. Ut radij solis à terrâ ad ramum arboris reflexi, inde vero in aërem petorsi.

XXII. DE MOTU SIDERUM res difficultioris laboris est, dum alij moveri astra, terram vero circa se properantia cœli fugā immotam spectare contendunt, ut Ptolomaici; Alij vero Solem immobilem centrum universi constituerunt, & stellarum fixarum, reliquis planetis exceptis, motum tollentes terra globum ab occasu in ortum circumvolvi offerunt, ut Copernici sectatores. Sed nos principium ingenij astronomici Controversias hæc vice conciliare merito supersedemus. Cum vero terram in immotâ statione positam, astra vero sursum suum perpetuare sacra hæc nobis confirmant. Ios. 10. v. 12. 13. Non etiam sicut motum, non sine rectorationis suffragio, attribuimus.

**XXIII.** *Moventur itaq; stellæ in cælo motu celerrimo, ac liberrimo, non secus ac volucres in ære & pisces in undis, regulari tamen sibi juxta cuiusq; naturæ proprietatem destinato cursu. Non enim in orbium realium parte, instar clavi, qui rotæ affixus reliqui corporis motum comitatur, astra ab intelligentiarum raptu circumducuntur, sed propria sua forma seu interni principij virtute, in cursus sui festinatione perennant.*

**XXIV.** Deniq; inter affectiones stellarum non immerito connumeratur *INFLUXUS*. Esta autem *influxus actio siderum* in hæc inferiora, à peculiari cuiusq; virtute profecta, quā varias mutationes in sublunatibus efficiunt.

**XXV.** Dari autem ejusmodi *influxum astrorum ipsi sensus* nobis manifestant. Quis enim vim calefactivam Solis non experitur? Lunæ humectandi inesse virutem, non tam plurimorum consensus, quam corpora nostra declarant. Crescente quippe Lunâ, cerebella in capitibus, medullæ in ossibus, humores in corporibus nostris augentur. Quatuor anni tempora, non nisi ab astrorum *influxu* varietates suscipere, nemo non deprehendit.

**XXVI.** In voluntatem verò Hominis an astra pari dominio incumbant, plurimorum ingenia fatigavit. Nos *influxum astrorum* in *directum & indirectum*, sive *immediatum & mediatum*, cum veritatis vestigijs insistentib<sup>o</sup>, distingvimus. *Voluntatem*, ut Ens immateriale, ab omni imperio stellarum directo sive immediato, omnino immunitum statuimus; actione autem indirecta seu mediata ad aliquius exequutionis desiderium, per organorum corporis, nec nos humorum in ijs dispositionem, ab astris svaderi & inclinari posse arbitramur.. Hinc verius:

*Astra regunt Homines, sed DEUS Astra regit.*

Supiens tamen & virtutis exercitio inveteratus, ut suis affectibus, ita etiam astris voluntatis libertate, piarum precum conurante efficacia, dominari potest. Ethæc de stellarum natura in Genere dicta sunt.

## SECTIO SECUNDA

De

### STELLIS IN SPECIE.

XXVII.

In Speciali siderum theoria contemplationem stellarum fixarum & Planetarum subiectemus, pleniorē earum tractatum Astronomis & Astrologis relinquentes.

XXVIII. Vocantur autem stellæ fixæ, non quia aliqui corpori immotæ inhærent, sed quia perpetuo eandem distantiam & inter se, & à terra observant, ac viginti quatuor horarum spatio cursu, sūm circularem ab ortu in occasum semper perficiunt.

XXIX. Hæ superiorem cæli partem obtinent, tantâ multitudine ut numerus earum certus nunquam ab aliquo mortalium determinari queat. Diurnā tamen observatione notabiles sunt 1022. præter 74. à Tychone Brahe observatas, & à Neotericis circa polum antarcticum notatas, aliasq; obscuras, quæ perspicillis tantum dignoscuntur.

XXX. Immensa vero stellarum fixarum & terræ intervalli longinquitas (cui accedunt venti & copia habitatuum in aëre tremulo) in causa est, ut stellæ ipsæ scintillare & perpetuâ trepidatione nutare nobis videantur. Solum etiam Martem ex Planetis lumen, quamvis debili & ridentiâ, crispare audeat.

XXXI. Cæterum stellas fixas veterum industria hincertas constellationum figuræ seu signa redigit. Sunt autem

autem signa: 1. *Zodiacalia*, 2. *Septentrionalia*, & 3. *Australia*.  
Signa in Zodiaci Circulo exprimuntur hoc disticho:

Sunt Aries, Taurus, Gemini, Cancer, Leo, Virgo,  
Libraq; Scorpius, Arcitenens, Caper, Amphora, Pisces.

**Extra Zodiacum in Boreā** sunt: *Ursa major*, *Ursa minor*,  
*Cepheus*, *Corona*, *Bootes*, &c. **Extra Zodiacum in Austro**  
sunt: *Cetus*, *Eridanus*, &c, de quibus plura **Astronomi**.  
**XXXI.** *Erraticæ Stelle* dicuntur *Planetae*, non quod  
vago motu oberrant, ac moderaminis habenis destitu-  
antur, (motus enim eorum) satis regularis est, adeo ut Ci-  
cero Planetas per antiphrasin, quasi minimè errantes,  
dictos putarit) sed q;d motu inæquali, motui stellarum  
fixarum collato, circummoventur, nec semper eandem  
distantiam inter se & à terra observant.

**XXXII.** Sunt autem *Planetae* septem: *Saturnus*,  
*Jupiter*, *Mars*, *Sol*, *Venus*, *Mercurius* & *Luna*. Quorum  
quilibet in suo orbe vagatur..

**XXXIV.** *Saturnus* est Planeta plumbæ & lucis, frigi-  
dus & siccus, vita animalium contrarius, terrâ vicies bis  
major..

**XXXV.** *Jupiter* est Planeta maximè lucidus, tem-  
peratè calidus & humidus, vita amicus, terram magni-  
tudine decies quater excedens.

**XXXVI.** *Mars* est Planeta flammæ in modum ru-  
bens, calidus & siccus, terræ mole decies ter minor..

**XXXVII.** *Sol* est Planeta maximus & lucidissimus,  
calorem & vim vivificam universo mundo tribuens, suo  
motu temporum periodos describens, terramq; centies  
tricies novies cum tribus octavis exsuperans.

**XXXVIII.** *Venus* est planeta clarè lucidus, me-  
diocriter calidus & humidus, naturæ amicus, terræ ma-  
gnitudini sexagies cum unâ sexta cedens.

**XXXIX.** *Mercurius* est planeta parumper albicans,  
eius cui jungitur, naturæ vires sortiens, terra vicesimam  
partem sua magnitudine exæquans<sup>3</sup>.

**XL.** *Luna* est planeta exiguae lucens, humidus & fri-  
gidus, à Sole collustratus figuram varians, terra quadra-  
gues bis minor. Magnitudines planetarum iuxta Tychonem hic  
determinantur.

**XLI.** Sed qualitates, ut *Caliditas*, *Sicritas*, *Humiditas*  
& *Frigiditas*, Astris non affectivè seu subjectivè, sed effectivè seu  
virtualiter attribuuntur. Non enim Sol in seipso cali-  
dus est, virtutem tamen calefaciendi habet maximam.  
*Scilicet Exerc. 74.*

**XLII.** In *Sole* deinde & *Lunâ*, qui in sacris literis ob  
lucis magnitudinem luminaria magna vocantur, non  
raro *Eclipses* & horrorem inducentes obscurationes  
contingunt. Fit autem id in *Sole*, cum radij solares à cer-  
tâ terræ parte, ob corporis lunaris inter *Solem* & aspe-  
ctum nostrum constitutionem, interlunari tempore a-  
vertuntur.

**XLIII.** *Luna* autem Ecclipsis fit, cum ob diametralem terræ inter *Solem* & *Lunam* accessum, lumen  
mutuatitium in *Lunâ* privatur.

**XLIV.** Appendix loco de stellâ novis aliquid dicemus.  
Novas illas & inusitatâs stellas omnium seculorum  
temporibus in æthere conspectas, ut sunt *Cometæ* & a-  
lia extraordinaria stellæ, in Meteororum Classem plu-  
rimi, inter reliquos verò etiam *Magirus*, retulerint;  
Sed cum accuratior Mathematicorum observatio eas in regione  
cœlesti collocatas deprehenderit (ut ex stellis superiori se-  
culo Anno Christi 1577. 1580. 1585. 1590. 1607. à  
Tychone in æthere conspectis videre licet) ideo stellæ esse,  
sed peculiari lege exortas compertum est. Veros namq[ue] co-  
me-

metas, teste eodem Tychone lib. 1. progymn. pag. 311. hactenus  
in aere nondum cuiquam videre licuit, nisi tantum pte-  
rō g̃eua cometis similius.

XLV. Producuntur autem Cometæ & stellæ novæ  
à Deo in æthere ex materia coelesti, ut sint futurorum  
eventuum ac tempestatum prænuncij.

XLVI. De stelle vero novæ Anni Ch 1772. ut & per  
consequentiam de reliquarum mirabili productione  
*Tycho Brahe* hunc in modum fatur. Taceant omnes Philo-  
sophi, seu veteres seu novi: taceant divinorum mysteriorum interpres Theo-  
logi: taceant celestium corporum contemplatores Mathematici; nec de mo-  
do generationis huius stellæ se aliquid certi constitueret posse existimetur.  
Nos igitur cum tanto Astronomorum love, ingenuam conjectarii-  
gnorantiam, quam incertam captare scientiam, præsertim in tam  
inaccesso de Cometarum generatione conjecturarum fallo, ma-  
lumus.

XLVII. Et hæc de stellarum naturâ in genere &  
specie, pro sterili Minervâ hæc vice in medium produ-  
xisse satis esto; Quæ candidus & benevolus Lector in  
meliorem partem candide explicabit.

## C O R O L L A R I A.

### I.

An Forma sit prior & perfectior Materiâ? Aff.

II. An omnis operatio & actio sit à formâ? Aff.

III. An detur materiatum non data mate-  
ria? Neg.

IV. An Stella quæ Magis visa est, fuerit natu-  
ralis? Neg.

- V. An Galaxia seu via lactea sit meteoron? Neg.
- VI. An Sol tripudiet Festo Paschatos? Neg.
- VII. An Lux sit substantia? Neg.
- VIII. An Ecclipsis Solis tempore passionis Christi fuerit naturalis? Neg.

Ad Praestantissimum atq; Doctissimum Juvenem

DN. BARTHOLLUM J. LACMANNUM  
Vviburgensem, bonarum literarum studio-  
fissimum amicum dilectum,

## DE STELLIS

Eruditas Theses scribentem ac Publicantem.  
*Acclamatio Extemporanea.*

Astronomum derisit anus de scrobe vocantem  
Quod nihil ante pedes cernens, intentus in astra  
Sit mersus: Non æqua facis, sat gnara nec artis.  
Hoc tamen haud ullo poterit Doctissime quisquam  
Objicere tibi merito LACMANNE quod hasce  
Magnifico exhibeas De STELLIS Praeside chartas:  
Id faciens non tam rutilos infigis ocellos  
Astra notans, eadem quam mentis acumine acuto  
Corpora perpendicularis queis non majora creavit  
Omnipotens! nec cel'sa magis, magè nec miranda!

Ast

Ast tamen interea præsentia quæq; futura  
Ex alijs repetis studijs prudenter. Et ecce  
Astra ubi sic tractas longè dignissimus ipse es  
Laudibus eximijs qui ex in super astra ferare.

L. M. q; F.

â

MICHAEL E O. VVEXIONIO

Iur. & Pol. Prof. P.


Præstantissimo & Politissimo Juveni

Dn. BARTHOLLO LACMANNO  
S.R. M. tis Alumno dignissimo, Selectioris Philo-  
sophia Studio indefeso, de STELLIS docte differenti,  
amico singulariter dilecto

Magnates Sophiae quoq; ad meruere brabéa  
Rimati Patriæ lucida tecta sunt:  
Magna Syracusij laus est, quod sidera vitro  
Exhibit fragili, uraq; mira Poli.  
Te quoq; CARELLÆ decus o LACMANNE, manebit  
Gloria, quod mentem sic super astra vehis.  
Ela migeris gemmis quæ sit Natura, quis Ordo,  
Quæ vis, sat docto differis eloquio.  
Dum sic fulgentes scrutaris in æthere flores,  
Elos quoq; tu fies fulgidus ecce Sophum..

Hanc sinceri affectus reliquis  
arrbam

JOHANNES S. WASSENIUS  
W-Gothus..



и съмъ възлюбленъ твой и съмъ възлюбленъ твой  
и съмъ възлюбленъ твой и съмъ възлюбленъ твой  
и съмъ възлюбленъ твой и съмъ възлюбленъ твой

и съмъ

о икона на архангела

и съмъ

о икона на архангела  
и съмъ

о икона на архангела  
и съмъ

о икона на архангела  
и съмъ

о икона на архангела  
и съмъ

о икона на архангела  
и съмъ

о икона на архангела  
и съмъ